

# Канон преподобному Алипию Печерскому

Память празднуем 17 (30) августа

## Тропарь, глас 8-й

Зраки изобразуя святых на дщцах, сих благодеяния спешно, яко искусен художник, всехвальне Алипии, написал еси на скрижалех твоего сердца и сего ради, аки образ, благолепне украшен, священства благодатию, аки златом, обложился еси от Христа Бога и Спаса душ наших.

## Канон, глас 8-й

### Песнь 1

*Ирмос:* Песнь возслем, людие, чудному Богу нашему, свободившему Израиля от работы, песнь победную поюще и вопиюще, поим Тебе, Единому Владыце.

*Припев:* Преподобне отче наш Алипии, моли Бога о нас.

Песнь возслати подаждь, Христэ, помощь свыше рабom Твоим, да принесем от теплыя любве хваление в памяти угодника Твоего Тебе, Единому Владыце.

Преподобне отче наш Алипии, моли Бога о нас.

Благодати умножившейся, процветаше вера, и умножашеся полк преподобных на горе Печерстей, имже сообщник в житии хотя быти преподобный, прииде послужити Единому Христу и Владыце.

Преподобне отче наш Алипии, моли Бога о нас.

От юности твоея вдалься еси родители своими, преподобне, в научение иконнаго писания, емуже усердно прилежа, написал еси в сердце своем целомудрие и чистоту, яко от обоих был еси раб своему Владыце.

Слава: Чудное твое послушание дивнаго тя чудесе зрителя показав, отче, видел бо еси образ Владычицы, изображен нерукотворенне, и, от сего видения большею любовью к богомыслию разгоревся, сердце свое уготовлял еси, аки скрижаль, к написанию памяти о Христе Владыце.

И ныне: Скрижале, имущая Духом Святым написанный несказанно Образ Ипостаси Отчия, мое злообразие, Мати Дево, во благообразии благих деяний претвори, да отныне уготовлюся послужити Христу, Богу моему и Владыце.

### Песнь 3

*Ирмос:* Несть свят, яко Господь, и несть праведен, яко Бог наш, Егоже поет вся тварь: несть праведен, паче Тебе, Господи.

Преподобне отче наш Алипии, моли Бога о нас.

Несть Тебе подобен в бозех, Христэ, действием бо Твоего Пресвятаго Духа изобразил еси икону Матере Твоея нерукотворенне, и бысть чудо велие, емуже самовидец бе преподобный Твой, Господи.

Преподобне отче наш Алипии, моли Бога о нас.

Иже чудеса́ действоваше, Тойжде излетé от уст иконы́ нерукотворéнный во образе голуби́нем, Егóже ви́дев облета́юща внутрьъ цéркве, преподóбный Твой, Христé, вся презрэ и ничтóже в мiре сем возлюбí, пáче Тебé, Гóсподи.

Преподóбне óтче наш Али́пие, моли́ Бóга о нас.

Образ сла́вы Бóжия ви́дев, преподóбне, áбие измени́л еси́ мирский́ образ, быв чернорiзец, дóбре напису́я добродéтели изображéние, е́же и нам вообрази́ тёплыми моли́твами твоими́.

Слава: От иконнаго худóжества своего́, óтче, навýкл еси́ духóвныя дéтели воображáти, дóбре бо убели́в свiток сéрдца своего́ слéзными пото́ки, написáл еси́ пáмяти о Бóзе помышлéние.

И ныне: Рáдуйся, свiтче, Богоневéстная Дéво, на Нёмже пёрстом Бóжиим написáся Отчее Сло́во, напиши́ на свiтце сéрдца моего́ пáмять Стрáшнаго судá и грядúщими мучéнии удержи́ е от злых, молю́ся.

Господи, помилуй (трижды).

#### Седален, глас 4-й

Бóжия сла́вы зрiтеля и иконнаго дéлателя премúдра, кто с нáми пéснями ты не восхва́лит, преподóбне, ви́дел бо еси́ от чáсти чýвственне Свята́го Дúха, – ны́не же, предсто́я Вы́шняго Престо́лу, не зерцáлом, но лицéм к лицу́ присносúщную зрiши сла́ву Бóжию, ея́же и мы да причастимся, óтче Али́пие, моли́твами твоими́.

Слава, и ныне: Предстáтельница Святе́й Трóице, предстáни нам скóро, в днёшний день собрáвшимся в хра́ме Твоём пречестнём, и даждь сла́ву преподóбных Твои́х зрéти сла́влящим Тя, Дéво, моли́твами Твоими́.

#### Песнь 4

*Ирмос:* Из горы́ приосенéнный, Сло́ве, проро́к, еди́ныя Богороди́цы, хотя́ща воплотiтися Боговiдно усмотри́ и со страхом славослóвьяше силу́ Твою́.

Преподóбне óтче наш Али́пие, моли́ Бóга о нас.

Из горы́ призвáл еси́ вслед Тебé тещи́ преподóбнаго Твоего́, Христé, то́йже, мирский́ молвы́ отвергся, всею́ душею́ приложися Тебé и во умé изображáше прiсно силу́ Твою́.

Преподóбне óтче наш Али́пие, моли́ Бóга о нас.

Яко свéтлая звезда́, возсия́л еси́, óтче, на горé Печёрстей, добродéтели бо от тебé, я́ко лучи́, прострóшася, блажéнне, и освещáют днесь ты величáющих, тёмже и мы прославля́ем благодáть твою́.

Преподóбне óтче наш Али́пие, моли́ Бóга о нас.

Не мзды рáди, но рéвностию двiжим, прилежáл еси́ дéлу своему́ и от сегó во благолéпие нещáдно раздавáл еси́ цéрквам Бóжиим, я́ко да вси, зряще на иконы́ тво́я, в любóвь Бóжию сéрдца сво́я обраща́ют.

Слава: Добр дéлатель явился еси́, блажéнне, винограда́ Христо́ва, я́ко сво́йственно Тебé со апóстолом глаго́лати: не тóне хлеб ядох, íбо рúце мой мне и инём послужите, тёмже при́ял еси́ от Бóга дина́р и с благими рабы́ сла́ву присносúщную зрiши.

И ныне: От чiстаго сокрови́ща чрэва Твоего́ Дина́р явившая мiру, искупи́ла еси́ тем всех от перворóднаго дóлга, Мáти Бóжия, к Тебé прибегаю́, искупи́ мя от мысленных заимода́вец, да прiсно сла́влю бла́гость Твою́.

## Песнь 5

*Ирмос:* Утренююще, вопиём Ти: Господи, спаси ны, Ты бо еси Бог наш, разве Тебё, иного не вёмы.

Преподобне отче наш Алипие, моли Бога о нас.

Утренюющих славословием к тебе от уныния возстави, отче, и от мрачных дел к свету богоразумия молитвами твоими возведи умы наша, скорого бо тебе на помощь поспешника знаем.

Преподобне отче наш Алипие, моли Бога о нас.

От дела рук твоёю, отче, в честь Единого Бога в тричастное отлучал еси разделение: иконному требованию, в монастырское делание и в милостыню нищим, и сим стяжал еси лучшее, присножелаемое рай селение.

Преподобне отче наш Алипие, моли Бога о нас.

День ручным деланием, ночь же бдением, молитвою и поклонением провождал еси всегда, блаженне, и тако, возложив руку на рало, управлен был еси в Царство Божие. Тамो помяни и нас ходатайством твоим к Богу.

Слава: Возсия солнце и виде твои труды, святе, ибо смирение, нестяжание, чистоту, терпение, пост любовью ко всем растворял еси, и сим восхождением возшел еси на высоту богомыслия и Небеснаго дарования сподобился еси.

И ныне: Утро мысленное, произведшая в мир великое Солнце, озари наш ум и сердце и сыны Свету покажи ны, молимтися, Безневестная Дево, Ты бо еси просвещение и упование наше.

## Песнь 6

*Ирмос:* Ризу мне подаждь светлу, одейся светом, яко ризою, Многомилостиве Христе Боже наш.

Преподобне отче наш Алипие, моли Бога о нас.

Ризу ангельскаго образа украсив шарами иноческих трудов, возшел еси на высокий степень священства советом наставника своего и, на том стоя, аки светило, светом твоих дел многих просветил еси.

Преподобне отче наш Алипие, моли Бога о нас.

Ризу Крещения окалявшему мне грехам калом, даждь умиление, святе, молитвами твоими, да в нем испиру и чист явлюся лицу Божию: се бо предстою, песнословя хвалу твою бранными устнами.

Преподобне отче наш Алипие, моли Бога о нас.

Одежду священства приемь, по подобию Великаго Архиерея, Сына Божия, вшел еси, отче, во внутренняя завесы, приносити жертву Пожержемуса за грех всего мира, твоими молитвами ныне, аки жертвою, и о нас, святе, Творца умилостиви.

Слава: Одеян сый одеждою священства, больших дарований сподобился еси, яко и одеянных прокажением молитвами твоими исцелил еси, и нас, мысленне недугующих, сими исцели, молимтися, преблаженне.

И ныне: Уязвивших нас грехолюбия стрелою, уязви, Пречистая Дево, и побегнут, студом поражени, демонския полки, Ты бо еси бесом струп неисцельный.

Господи, помилуй (трижды). Слава, и ныне:

## Кондак, глас 2-й

От юности Божественное в себе имея начертание, вдан был еси в научение иконнаго писания; и вегда небеси подобная Богородицы писашеся церковь, ты таможде пособствовал и видел еси Духа Святаго осияние, от Негоже приял еси чудес действо, яко иконы твоя чудотворяху, тем ты чтим и ублажаем, чудне Алипие.

### Песнь 7

*Ирмос:* Отроцы еврейстии в пещи попраша пламень дерзновенно и на росу огонь преложаша, вопиюще: благословен еси, Господи Боже, во веки.

Преподобне отче наш Алипие, моли Бога о нас.

Детски играюща сумнением в вере праведно казнь Божия постиже, покры бо проказа лице его, сего ты, отче, исцелил еси и отыде, поя: благословен Бог отец наших.

Преподобне отче наш Алипие, моли Бога о нас.

Исповедавшему грех неверствия своего पहले приложил еси, блаженне, покаяния пластырь, и, души исцелившей, исцели и лице помазанием вап твоих, и той о тебе воспет: благословен Бог отец наших.

Преподобне отче наш Алипие, моли Бога о нас.

Иже पहले обоняния грехом острупився, по совету диаволу отчаяся спасения надежды. Се той паки, твоим, святе, учением к Богу обратився, исцелен бысть и, избыв обоих струпов, воззва: благословен Бог отец наших.

Слава: Твоим, преподобне, дивящися чудесем многим, взываем согласно: радуйся, Елисее новый, неверующаго исцеливый от проказы, яко Неемана, и о тебе песнь отроческую воспет: благословен Бог отец наших.

И ныне: Безобразие души моея кто исправит, аще не Ты, Мати Божия, шарами благодати Твоей тоя лице в благообразии претвориши? И, благолепие прием, воспою: радуйся, Образующая живописательно человеческий образ.

### Песнь 8

*Ирмос:* На горе святей прославльшася и в купине огнем Приснодевы Моисеови тайну явльшаго, Господа пойте и превозносите во вся веки.

Преподобне отче наш Алипие, моли Бога о нас.

Яви ты, отче, всех Создатель на горе Печерстей доброцветущее ко исцелению древо, плоды бо твоих молитв всем к тебе приходящим подавал еси исцеление неоскудно, и отхождаху здравы, превозносяще Господа во веки.

Преподобне отче наш Алипие, моли Бога о нас.

Незлобие сердца твоего не лишитя, преподобне, великих дарований, никогдаже бо огорчился еси на оскорбляющих тя, ниже воздал еси зло за зло, тем и прослави тя Христос zde и тамо во веки.

Преподобне отче наш Алипие, моли Бога о нас.

Сребролюбия омраченнии тьмою обличаху тя пред человеки, но Бог изведе, яко свет, правду твою и незлобие твое, яко полудне, ископавшии же тебе яму впадоша в ню, и студ их поминают вси во веки.

Слава: Седми дарования действуяй в Троице Единый Боже, изобразишя седмим

ико́нам повелѣл еси́ нерукотворѣнне и явил еси́ преподобнаго, имущаго седмь Паракліта Твоего́ даров, сия́ и нам подаждь, Всещѣдрый Царю́, да превозно́сим Тя во ве́ки.

И ныне: От всех дарованій приѣмшая истканную ризу, рясны златыми одѣяна предстала еси́ Троице Живоначальной. Стани́ убо, воздѣвши пречисти́и рѹце Твоѣи, и о нас, благотворѣнія обнаженных, помолися, Ты бо еси́, Пренепоро́чная, покрыва́ющая грехи́ наша.

## Песнь 9

*Ирмос:* Тя, Неискусобра́чную Ма́терь Бо́га Вы́шняго, Тя, па́че ума́ ро́ждшую сло́вом войсти́нну Бо́га, вы́шшую пречи́стых Сил, немол́чными славословле́нии велича́ем.

Преподобне́ отче наш Али́пие, моли́ Бо́га о нас.

Тя, отче, прославля́ющаго, просла́ви Бог, я́ко твоего́ писанія́ ико́нам никогда́же огонь одолева́ше, но пребыва́ху це́лы от пожа́ра невреді́мы, я́же чудодѣ́ющия ви́дяще, о тебѣ́ немол́чно славословле́нии Христа́ велича́ем.

Преподобне́ отче наш Али́пие, моли́ Бо́га о нас.

Отвсю́ду стека́хуся лю́дие ви́дети пресла́вное чу́до, я́ко вся инья́ пояде́ пла́мень о́гненный, твоего́же писанія́ ико́н ника́коже вреди́. Еже и мы, слы́шаще чудодѣ́ствующаго в тебѣ́ Бо́га, славословле́нии велича́ем.

Преподобне́ отче наш Али́пие, моли́ Бо́га о нас.

Храни́л еси́ незло́бие и ви́дел еси́ правоту́, жити́е свое́ провожда́я во вся́цей святы́ни, те́мже отвсю́ду Бог тя прославля́ше и изымáше от вся́кя напáсти; се́я и нас изба́ви твои́ми моли́твами, свя́те, да вы́ну тя пѣ́снями велича́ем.

Слава: Ра́дуется град Росто́в, содержа́й ико́ну, ма́нием Бо́жиим напи́сану, и я́ко многоце́нным сокрови́щем искупѣ́ется от всех страсте́й, ю́же лобыза́юще, помина́ет, коли́ко Бог де́йствоваше тобо́ю, блаже́нне. Си́е чудодѣ́йствие и мы днесь́ чту́ще, удивля́емся и славословле́нии велича́ем.

И ныне: Столп крѣ́пости имущі́е Тя, раби́ Твоѣи, Богороди́це Де́во, от лица́ враг на́ших гони́ми, к Тебѣ́ прибега́ем и, припада́юще, мо́лимся: сохра́няй нас, в беда́х су́щих, Ты бо еси́ столп нам крѣ́пок от лица́ вра́жия и стена́ необори́ма.